

**D<sup>a</sup> ROSA ANA PRADA QUEIPO, SECRETARIA DO CONCELLO DE AMES NA PROVINCIA DA CORUÑA**

**CERTIFICO:** QUE O PLENO DESTE CONCELLO LEVOU A CABO SESIÓN ORDINARIA O 26 DE ABRIL DE 2012, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE.

**ACTA DA SESIÓN ORDINARIA LEVADA A CABO POLO PLENO DO CONCELLO O DÍA 26 DE ABRIL DE 2012.-**

No Salón de Sesiós da Casa do Concello de Ames, ás vinte horas (20:00) do día 26 de abril de 2012, reúnese o Pleno do Concello en sesión ordinaria de primeira convocatoria, baixo a presidencia do Sr. alcalde don **Santiago V. Amor Barreiro** e coa asistencia dos/as señores/as concelleiros/as seguintes:

Grupo municipal Popular	Grupo municipal Socialista	Grupo municipal do BNG
M <sup>a</sup> Dolores Fernández Álvarez	Patricia Conde Lois	María Pilar Candocia Pita
Manuel Ferreiro Santiago	Carmen Fraga Crespo	Xosé Anxo Doval Rey
Ramón García Argibay	José Francisco Doval Galán	Susana Mallo Redondo
María González Gómez	Isabel González Cancela	
M <sup>a</sup> Eugenia Martín Vicente	José Manuel Miñones Conde	
Emilio Martínez Carballeira	José Pazos Balsa	
Bernardo Moar Míguez		
Alfonso Rey López		
Alfredo Taboada Alvelo		
M <sup>a</sup> Carmen Verde Leboráns		

Non asiste pero xustifica a súa ausencia a concelleira do grupo municipal do BNG dona **Olalla Alvite del Río**.

Asiste o señor **interventor** don José Antonio Rueda de Valenzuela.

Actúa como **secretaria** a titular da Corporación dona Rosa-Ana Prada Queipo.

Antes de dar comezo á sesión o señor alcalde don **Santiago V. Amor Barreiro** informa que dentro do contexto de actualización tecnolóxica o salón de sesións xa dispón de rede WIFI, e que o próximo paso a dar dentro do contexto das novas tecnoloxías será dotar á sala de medios audiovisuais, avances que contribuirán ao bo desenvolvemento do labor dos grupos municipais.

**A) PARA DAR CONTA:**

**Punto Primeiro.- Dar conta ao Pleno da Corporación dos decretos ditados pola Alcaldía dende a última sesión plenaria ordinaria.**

O señor alcalde don **Santiago V. Amor Barreiro** informa á Corporación que os decretos ditados pola Alcaldía dende a última sesión plenaria ordinaria estiveron a disposición de todas/os as/os concelleiras/os na Secretaría Xeral, engadindo que o acceso aos decretos é libre para todas/os as/os concelleiras/os en calquera momento na Secretaría Xeral do Concello, e que con ocasión da convocatoria dos plenos

ordinarios o que teñen a súa disposición é o libro oficial, en papel timbrado e numerado, ademais dos duplicados existentes nos distintos departamentos do Concello.

**Punto Segundo.- Información periódica a render ao Pleno, en execución do acordo adoptado en data 26/08/2010: Execución do orzamento ao remate do 1º trimestre do exercicio 2012.**

O señor alcalde don **Santiago V. Amor Barreiro** informa substancialmente que no expediente relativo a este asunto se atopa a documentación da que se da conta.

**Punto Terceiro.- Información ao pleno, en execución do disposto no artigo 4.3 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, informe sobre o cumprimento dos prazos previstos no artigo 216.4 do Real decreto Lexislativo 3/2011, de 14 de novembro, polo que se aproba o texto refundido da Lei de contratos do sector público, para o pago das obrigas de cada Entidade local.**

Informa o señor alcalde don **Santiago V. Amor Barreiro** que xa foi remitida aos grupos municipais esta información que agora se rende ao pleno.

**Punto Cuarto.- Información ao pleno, en execución do disposto no artigo 5.4 da Lei 15/2010, do 5 de xullo, de modificación da Lei 3/2004, do 29 de decembro, pola que se establecen medidas de loita contra a morosidade nas operacións comerciais, relación de facturas que presentan unha demora na tramitación superior aos tres meses.**

Informa o señor alcalde don **Santiago V. Amor Barreiro** que forma parte da documentación do expediente, a relación de facturas que presentan na súa tramitación unha demora superior aos tres meses.

#### **B) PARA DELIBERACIÓN E ACORDO:**

**Punto Quinto.- Aprobación se procede da acta anterior**

O señor alcalde don **Santiago V. Amor Barreiro** somete a consideración da corporación a acta correspondente á sesión de 29 de marzo de 2012, preguntando se existe algunha apreciación.

Intervén o voceiro do grupo municipal socialista don **José Manuel Miñones Conde** para dicir que no parágrafo anterior ao punto primeiro o alcalde informa da ausencia dos grupos da oposición, e di: *os grupos da oposición comunicaron no día de hoxe, a través do rexistro municipal, que non ían asistir a este pleno do mes de marzo por coincidir coa folga xeral convocada para o día de hoxe*, e que a comunicación que o grupo municipal socialista remitiu á secretaria xeral do concello, e por tanto, ao que fai referencia o alcalde, di “ningún concelleiro deste grupo asistirá hoxe 29 de marzo ao pleno ordinario que se celebrará no concello de Ames como medida de protesta ante a actitude arrogante e despreciativa do alcalde de Ames, querendo deixar ben claro que a non asistencia a este pleno só esta motivada por este feito e en ningún caso pola coincidencia da celebración do pleno coa folga xeral”. Continúa dicindo que cando alguén informa de algo son os documentos os que mandan e xa que non se incluíu polo alcalde pide agora que se inclúa con ocasión da aprobación da acta.

Intervén a señora **secretaria** do concello para dicir que dito escrito foi efectivamente presentado polo grupo municipal socialista, pero o que se reflecte na acta foi efectivamente o dito polo señor alcalde. O señor alcalde don **Santiago V. Amor Barreiro** pregunta se se pode recoller na acta desta sesión ese documento, respondendo a señora secretaria que o que se pode recoller é a intervención que agora fai o voceiro do grupo municipal socialista, pero non rectificar a acta anterior, pois isto suporía poder poñer en boca do señor alcalde palabras que non dixo.

Toma a palabra o señor alcalde don **Santiago V. Amor Barreiro** para dicir que quede

constancia deste feito e que se recolla na acta desta sesión a intervención do voceiro do grupo municipal socialista.

Non se producen mais intervencións.

Rematadas as intervencións a acta correspondente á sesión de 29 de marzo de 2012 queda aprobada cos votos favorables dos membros dos grupos municipais popular e socialista e a abstención dos concelleiros/as dona Pilar Candocia Pita, don Xosé Anxo Doval Rey e dona Susana Mallo Redondo.

#### **Punto Sexto.- Elección de xuíz/a de paz titular do Concello de Ames.**

O señor alcalde don **Santiago V. Amor Barreiro** informa que unha vez rematado o prazo de presentación de solicitudes, foron examinados os expedientes das 11 persoas presentadas, que todas elas reúnen os requisitos da convocatoria, e, unha vez valorados polos grupos municipais, foi consensuado por unanimidade propoñer ao pleno da corporación a dona M<sup>a</sup> Angélica Blanco Fernández, como xuíza de paz titular do Concello de Ames, tal e como reflicte a acta da comisión informativa.

Non se producen intervencións dos grupos municipais.

O Pleno da Corporación, por unanimidade dos seus membros presentes, adoptou os seguintes acordos:

**Primeiro.-** Elixir como xuíza de paz titular do Concello de Ames a dona M<sup>a</sup> Angélica Blanco Fernández.

**Segundo.-** Dar traslado desta elección ao Tribunal Superior de Xustiza de Galicia aos efectos oportunos.

#### **Punto Sétimo.- Aprobación inicial da modificación da Ordenanza Reguladora das Tarxetas de Estacionamento e Accesibilidade do Concello de Ames.**

O señor alcalde don **Santiago V. Amor Barreiro** cede a palabra á concelleira delegada de Servizos Sociais, Familia, Dependencia e Maiores dona **M<sup>a</sup> Dolores Fernández Álvarez**, que substancialmente expón que a anterior Ordenanza Reguladora das Tarxetas de Estacionamento e Accesibilidade do Concello de Ames estaba vixente dende o ano 2010 e agora se trae a aprobación inicial a súa modificación, unha vez introducidos aqueles cambios que se consideraron necesarios.

Non se producen intervencións dos grupos municipais.

Rematadas as intervencións o pleno da corporación por unanimidade dos membros presentes, adopta os seguintes acordos:

**Primeiro.-** Prestar aprobación inicial a modificación da Ordenanza reguladora das tarxetas de estacionamento e accesibilidade do Concello de Ames cuxo texto modificado figura como Anexo I deste acordo.

**Segundo.-** Someter dita aprobación inicial a exposición pública polo prazo de trinta días hábiles a efectos de exame e reclamacións, mediante anuncio no Boletín Oficial da Provincia, taboleiro de anuncios e páxina web municipal. Para o suposto de non presentarse alegacións durante o prazo de exposición pública o acordo de aprobación inicial quedará elevado a definitivo de forma automática.

### **ANEXO I**

## **ORDENANZA MUNICIPAL REGULADORA DAS TARXETAS DE ESTACIONAMENTO DE VEHÍCULOS PARA PERSOAS CON MOBILIDADE REDUCIDA E DAS TARXETAS DE ACCESIBILIDADE**

### **Artigo 1: Obxecto**

O obxecto da presente ordenanza é regular a nivel municipal a expedición das tarxetas de estacionamento de vehículos para persoas con mobilidade reducida e das tarxetas de accesibilidade, previstas nos artigos 27 e seguintes da Lei 8/1997, de 20 de agosto, de accesibilidade e supresión de barreiras na Comunidade Autónoma de Galicia, e nos artigos 50, 51, 52 e 53 do Decreto 35/2000, do 28 de xaneiro, polo que se aproba o Regulamento de desenvolvemento e execución da lei anteriormente citada, co fin, no primeiro caso, de favorecer o uso dos transportes privados daquelas persoas que presenten graves dificultades de mobilidade para que a persoa titular poida gozar da facilidade de estacionamento, e co fin, no segundo caso, de dispor dunha tarxeta como documento acreditativo da situación de discapacidade en orden a favorecer o uso do transporte público.

### **Artigo 2: Requisitos**

1. Poderán ser beneficiarias da tarxeta de estacionamento de vehículos todas aquelas persoas que, estando empadroadas no Concello de Ames, teñan recoñecida unha discapacidade polo Equipo de Valoración e Orientación (EVO), dependente da sección de cualificación e valoración de discapacidade da Xunta de Galicia, e que dito recoñecemento reflita necesariamente a dificultade para o uso do transporte público.
2. Terán dereito á expedición da tarxeta de accesibilidade todas aquelas persoas interesadas que, estando empadroadas no Concello de Ames, teñan recoñecida unha discapacidade polo Equipo de Valoración e Orientación (EVO), dependente da sección de cualificación e valoración de discapacidade da Xunta de Galicia.
3. De acordo coa Lei 51/2003, do 2 de decembro, de igualdade de oportunidades, non discriminación e accesibilidade universal das persoas con discapacidade, considéranse afectadas por unha discapacidade aquelas persoas pensionistas da Seguridade Social, que teñan recoñecida unha pensión de incapacidade permanente total, absoluta ou gran invalidez, e as persoas pensionistas de clases pasivas que teñan recoñecida unha pensión de xubilación ou de retiro por incapacidade permanente para o servizo ou inutilidade, materia exclusivamente desenvolvida a efectos fiscais ou laborais.
4. No suposto de persoas estranxeiras residentes, prevalecerá o disposto na lexislación vixente en materia de estranxeiría.

### **Artigo 3: Solicitudes**

1. A solicitude da tarxeta de estacionamento de vehículos e da tarxeta de accesibilidade para persoas físicas deberá ir acompañada da seguinte documentación:
  - a) Modelo de instancia conforme ao anexo I, no caso de solicitar a tarxeta de estacionamento.
  - b) Modelo de instancia conforme ao anexo II, no caso de solicitar a tarxeta de accesibilidade.
  - c) Fotocopia cotexada do DNI, tarxeta de residencia ou calquera outro documento acreditativo da identidade da persoa solicitante.
  - d) No caso de que a persoa interesada sexa un menor de idade:
    - d.1.- Copia compulsada lo libro de familia.
    - d.2.- Copia compulsada de sentenza de nulidade, separación ou divorcio e do convenio regulador, de ser o caso.
    - d.3.- Copia compulsada da resolución administrativa ou xudicial que acredite a

condición de ser o titor/a, acolledor/a do menor, de ser o caso; e copia compulsada do documento acreditativo da identidade da persoa titora ou acolledora.

d.4.- Copia compulsada da sentenza xudicial acreditativa da patria potestade prorrogada ou incapacidade xudicial; e copia compulsada do documento acreditativo da identidade da persoa que ostente a condición de titora.

e) No caso que a persoa interesada sexa maior de idade incapacitada xudicialmente:

e.1.- Copia compulsada da sentenza xudicial acreditativa da incapacidade xudicial e copia compulsada do documento acreditativo da identidade da persoa que ostente a condición de titora.

f) Dúas fotografías tamaño carné.

g) Certificado de empadramento. O certificado será solicitado á oficina xeral do Concello por parte do persoal municipal que tramite a solicitude.

h) Certificado de discapacidade ou informe do Equipo de Valoración e Orientación (EVO).

2. A solicitude da tarxeta de estacionamento de vehículos para persoas xurídicas deberá ir acompañada da seguinte documentación:

a) Modelo de instancia conforme ao anexo III.

b) Documentación do vehículo habilitado para transportar as persoas con graves problemas de mobilidade, dado que, a tarxeta deberá incluír a matrícula ou matrículas dos citados vehículos.

c) Escritura de constitución da sociedade e estatutos.

d) Documentación acreditativa da identidade da persoa que actúa como representante legal.

#### **Artigo 4: Competencia**

1. O Alcalde-presidente será o órgano competente para ditar a resolución da concesión ou denegación da tarxeta de estacionamento de vehículos e da tarxeta de accesibilidade, así como para o exercicio da potestade sancionadora neste ámbito, quen poderá delegar nun/ha concelleiro/a.

2. As tarefas de vixilancia e control da utilización das tarxetas e as reservas de estacionamento serán realizadas polo persoal municipal.

#### **Artigo 5: Procedemento e trámite**

1. O procedemento ordinario de concesión das tarxetas de estacionamento de vehículos e de accesibilidade comprenderá os seguintes trámites:

a) O expediente iniciárase a solicitude da persoa interesada mediante impreso normalizado que, unha vez cumprimentado, se presentará no rexistro xeral do Concello. Xunto coa solicitude deberá achegar a documentación sinalada no artigo 3.

b) O persoal municipal comprobará que a persoa solicitante reúne os requisitos establecidos na presente ordenanza e normativa de aplicación, requirindo en caso contrario á persoa interesada para que no prazo de 10 días subsane a falta ou acompañe os documentos preceptivos, en caso contrario teráselle por desistido da súa petición.

c) Unha vez comprobado polo persoal municipal que o expediente reúne os requisitos esixidos, emitírase un informe de valoración conforme ao establecido no anexo IV.

d) A solicitude formulada pola persoa interesada, xunto co informe emitido polo

persoal municipal, elevarase ao órgano competente, quen ditará unha resolución ao respecto no prazo de 6 meses dende a recepción da solicitude, conforme ao establecido no anexo V. Transcorrido dito prazo sen ter ditado resolución expresa, poderase entender desestimada a solicitude, sen prexuízo da obriga legal de resolver polo órgano competente.

e) A resolución adoptada, debidamente motivada, será notificada ás persoas interesadas no domicilio que figure no expediente a efectos de notificacións, conforme ao establecido na Lei 30/92, de 26 de novembro, de réxime xurídico das administracións públicas e do procedemento administrativo común.

f) A resolución, que pon fin á vía administrativa, poderá ser recorrida potestativamente en reposición no prazo dun mes, conforme ao establecido no artigo 116 e seguintes da lei 30/1992, de 26 de novembro, de réxime xurídico das administracións públicas e do procedemento administrativo común, modificada pola Lei 4/1999, do 13 de xaneiro, ou ser impugnada directamente ante o órgano xurisdiccional contencioso-administrativo no prazo de dous meses. Non se poderá interpoñer recurso contencioso-administrativo ata que se resolva expresamente ou se produza a desestimación presunta do recurso de reposición interposto.

g) Unha vez resolta a solicitude de forma favorable, o Concello expedirá a correspondente tarxeta, e fará entrega da mesma á persoa solicitante de forma gratuíta. A persoa beneficiaria asinará o documento de ter recibido a tarxeta xunto coa información das condicións de uso, segundo o modelo establecido no anexo VI.

2. Para a tramitación das tarxetas de estacionamento de vehículos, no caso de que o certificado de discapacidade que achegue a persoa solicitante non veña recoñecida expresamente as dificultades para o uso do transporte colectivo, o Concello remitirá copia da solicitude ao EVO. Neste caso, o informe que emitan ao respecto será vinculante para a concesión ou denegación polo órgano competente.

3. Para a tramitación das tarxetas de accesibilidade, no caso de que a persoa solicitante non dispoña do certificado de cualificación do grao de discapacidade igual ou superior ao 33%, o Concello remitirá copia da solicitude ao EVO correspondente. Neste caso, o informe que emitan ao respecto será vinculante para a concesión ou denegación polo órgano competente.

#### **Artigo 6: Vixencia e renovación das tarxetas**

1. Nos casos de cualificación da discapacidade con carácter permanente, as tarxetas caducarán aos 10 anos da súa concesión.

2. Nos casos de cualificación da discapacidade con carácter temporal, as tarxetas caducarán cando finalice o prazo que indique o certificado de discapacidade.

3. A renovación das tarxetas seguirá o mesmo procedemento que o da súa tramitación.

#### **Artigo 7: Dereitos**

1. As persoas titulares da tarxeta de estacionamento de vehículos beneficiaranse das seguintes facilidades en materia de circulación, parada e estacionamento:

a) Estacionar o vehículo por máis tempo do autorizado, con carácter xeral, nas zonas en que dito tempo se atope limitado.

b) Autorización para que os vehículos ocupados polas persoas que presenten graves problemas de mobilidade poidan deterse na vía pública durante o tempo imprescindible e sempre que non entorpezan a circulación rodada ou peonil.

c) Utilización das prazas de aparcadoiro reservadas para tal efecto no ámbito da Comunidade Autónoma de Galicia.

2. A tarxeta de accesibilidade dará dereito á persoa titular dos beneficios legalmente recoñecidos no artigo 51 do Decreto 35/2000 no ámbito da Comunidade Autónoma de Galicia, que son:

- a) Reserva de praza nos transportes colectivos.
- b) Bonificación nas tarifas para as persoas que dispoñan da tarxeta.
- c) Reserva de prazas nos centros de servizo do transporte público.

#### **Artigo 8: Obrigas**

- 1. As persoas titulares da tarxeta deberán de comunicar ao Concello, no prazo de 15 días, calquera variación das circunstancias que motivaron a súa concesión, a contar desde o coñecemento da variación das circunstancias alegadas.
- 2. No caso de perda, roubo ou destrución, a persoa titular da tarxeta deberá comunicalo na maior brevidade posible ao Concello, non podendo facer uso dos dereitos recoñecidos ata a expedición dunha nova tarxeta.
- 3. O uso indebido da tarxeta dará lugar a súa retirada, sen prexuízo das responsabilidades que puideran derivar.

#### **Artigo 9: Condicións de uso**

- 1. As tarxetas expedidas polo ente municipal son de carácter persoal e intransferible.
- 2. As tarxetas de estacionamento de vehículos cuxo titular sexa unha persoa física só poderán utilizarse cando a persoa titular viaxe no vehículo de que se trate, sexa ou non da súa propiedade, ben como condutor/a ou como ocupante.
- 3. As tarxetas de estacionamento de vehículos cuxo titular sexa unha persoa xurídica só poderán utilizarse nos vehículos para os que foi concedida, e sempre que nese momento se atopen prestando o servizo de transporte de persoas con mobilidade reducida.
- 4. A tarxeta de estacionamento de vehículos colocarse na parte inferior do parabrisas dianteiro do vehículo de forma que o seu anverso resulte claramente visible dende o exterior.

#### **Artigo 10: Infraccións e sancións. Procedemento sancionador.**

- 1. No suposto de que se detecte o uso indebido da tarxeta de maneira reiterada e debidamente probada, o órgano competente retirará a citada tarxeta durante un prazo de 2 anos, debendo a persoa interesada instar o procedemento para a súa expedición unha vez transcorrido o citado prazo.
- 2. As infraccións da presente ordenanza serán sancionadas de acordo coa normativa vixente sobre o procedemento sancionador.

#### **Disposicións adicionais**

**Primeira.-** As persas residentes no territorio español, sexan de nacionalidade española ou de resto de países da Unión Europea, que sexan titulares dunha tarxeta de estacionamento expedida polas respectivas autoridades competentes, gozarán neste termo municipal dos dereitos recoñecidos pola presente ordenanza reguladora.

**Segunda.-** As tarxetas axustaranse ás características sinaladas no anexo III do regulamento de desenvolvemento e execución da Lei 8/1997, de 20 de agosto, de accesibilidade e supresión de barreiras na comunidade autónoma de Galicia, aprobado mediante o Decreto 35/2000, de 28 de xaneiro, ou normativa que o substitúa.

**Terceira.-** A aplicación destas tarxetas terán validez no ámbito da Unión Europea, segundo o establecido no anexo III do regulamento de desenvolvemento e execución da Lei 8/1997, de 20 de agosto, de accesibilidade e supresión de barreiras na

comunidade autónoma de Galicia, aprobado mediante o Decreto 35/2000, de 28 de xaneiro.

**Disposición final.** A presente ordenanza entrará en vigor así que transcorra o prazo de 15 días hábiles desde a súa publicación do seu texto íntegro no Boletín Oficial da Provincia e conforme ao disposto no artigo 70.2 da Lei 7/1985, de 2 de abril, reguladora das bases de réxime local.

**Disposición derogatoria.** Esta ordenanza derroga expresamente a anterior ordenanza reguladora das tarxetas de estacionamento e accesibilidade publicada no BOP número 55 de 24 de marzo de 2010.

#### ANEXO I

#### SOLICITUDE DA TARXETA DE ESTACIONAMENTO DE VEHÍCULOS PARA PERSOAS DISCAPACITADAS CON MOBILIDADE REDUCIDA

Os datos facilitados por vostede neste formulario pasarán a formar parte dos ficheiros automatizados do Concello de Ames, e poderán ser utilizados polo titular do ficheiro para o exercicio das funcións propias no ámbito das súas competencias. Lei Orgánica 15/1999, de protección de datos de carácter persoal. Vostede poderá exercer os dereitos de acceso, rectificación ou oposición mediante instancia presentada ante o rexistro xeral de entrada do Concello de Ames.

REXISTRO DE ENTRADA  
(a cubrir pola administración)

Expediente número  
(a cubrir pola administración)

SOLICITANTE	Nome e apelidos:	DNI/NIE:	Teléfono:
	Enderezo:	Localidade:	Código postal:

En calidade de: (marque cunha "x" o que corresponda)

<input type="checkbox"/>	TITULAR
<input type="checkbox"/>	REPRESENTANTE LEGAL (se é o/a representante legal cumprimente os datos da persoa representada)

PERSONA REPRESENTADA	Nome e apelidos:	DNI/NIE:	Teléfono:
	Enderezo:	Localidade:	Código postal:

#### FEITOS RAZOADOS:

Son residente e estou empadroad/a no concello de Ames. Considero que reúno tódolos requisitos establecidos na normativa vixente a efectos de ser titular da tarxeta de estacionamento de vehículos para persoas discapacitadas con mobilidade reducida.

#### SOLICITO:

Que se me conceda a **tarxeta de estacionamento de vehículos para persoas discapacitadas con mobilidade reducida** de acordo co disposto na normativa vixente.

#### DECLARACIÓN:

Declaro baixo a miña responsabilidade que son certos os datos consignados na presente solicitude. Son coñecedor/a de que a ocultación ou falsidade dos datos facilitados implicará o impedimento da tramitación da solicitude.

Ames, \_\_\_\_ de \_\_\_\_\_ de 20 \_\_\_\_.

Asdo.:

#### DOCUMENTACIÓN QUE SE ACHEGA XUNTO COA SOLICITUDE:

<input type="checkbox"/>	Fotocopia cotexada do DNI, tarxeta de residencia ou calquera outro documento acreditativo da identidade da persoa solicitante
<input type="checkbox"/>	No caso de que a persoa interesada sexa un menor de idade:
<input type="checkbox"/>	Copia compulsada lo libro de familia
<input type="checkbox"/>	Copia compulsada de sentenencia de nulidade, separación ou divorcio e do convenio regulador, de ser o caso
<input type="checkbox"/>	Copia compulsada da resolución administrativa ou xudicial que acredite a condición de ser o titor/a, acolledor/a do menor, de ser o caso; e copia compulsada do documento acreditativo da identidade da persoa titora ou acolledora.
<input type="checkbox"/>	Copia compulsada da sentenencia xudicial acreditativa da patria potestade prorrogada ou incapacidade xudicial; e copia compulsada do documento acreditativo da identidade da persoa que ostente a condición de titora.
<input type="checkbox"/>	No caso de que a persoa interesada sexa maior de idade incapacitada xudicialmente:
<input type="checkbox"/>	Copia compulsada da sentenencia xudicial acreditativa da incapacidade xudicial e copia compulsada do documento acreditativo da identidade da persoa que ostente a condición de titora.
<input type="checkbox"/>	Dúas fotografías tamaño carné da persoa titular da tarxeta
<input type="checkbox"/>	Certificado de empadramento. O certificado será solicitado á oficina xeral do Concello por parte do persoal municipal que tramite a solicitude.



<input type="checkbox"/>	Certificado de discapacidade ou informe do Equipo de Valoración e Orientación (EVO).
--------------------------	--

**ANEXO II  
SOLICITUDE DA TARXETA DE ACCESIBILIDADE  
PARA PERSOAS DISCAPACITADAS**

Os datos facilitados por vostede neste formulario pasarán a formar parte dos ficheiros automatizados do Concello de Ames, e poderán ser utilizados polo titular do ficheiro para o exercicio das funcións propias no ámbito das súas competencias. Lei Orgánica 15/1999, de protección de datos de carácter persoal. Vostede poderá exercer os dereitos de acceso, rectificación ou oposición mediante instancia presentada ante o rexistro xeral de entrada do Concello de Ames.

REXISTRO DE ENTRADA  
(a cubrir pola  
administración)

**Expediente número**  
(a cubrir pola administración)

--

<b>SOLICITANTE</b>	<b>Nome e apelidos:</b>	<b>DNI/NIE:</b>	<b>Teléfono:</b>
	<b>Enderezo:</b>	<b>Localidade:</b>	<b>Código postal:</b>

En calidade de: (marque cunha "x" o que corresponda)

<input type="checkbox"/>	TITULAR
<input type="checkbox"/>	REPRESENTANTE LEGAL (se é o/a representante legal cumprimente os datos da persoa representada)

<b>PERSOA REPRESENTADA</b>	<b>Nome e apelidos:</b>	<b>DNI/NIE:</b>	<b>Teléfono:</b>
	<b>Enderezo:</b>	<b>Localidade:</b>	<b>Código postal:</b>

**FEITOS RAZOADOS:**

Son residente e estou empadroad/a no concello de Ames. Considero que reúno tódolos requisitos establecidos na normativa vixente a efectos de ser titular da tarxeta de accesibilidade para persoas discapacitadas.

**SOLICITO:**

Que se me conceda a **tarxeta de accesibilidade para persoas discapacitadas** de acordo co disposto na normativa vixente.

**DECLARACIÓN:**

Declaro baixo a miña responsabilidade que son certos os datos consignados na presente solicitude. Son coñecedor/a de que a ocultación ou falsidade dos datos facilitados implicará o impedimento da tramitación da solicitude.

Ames, \_\_\_\_ de \_\_\_\_ de 20\_\_.

Asdo.:

**DOCUMENTACIÓN QUE SE ACHEGA XUNTO COA SOLICITUDE:**

<input type="checkbox"/>	Fotocopia cotexada do DNI, tarxeta de residencia ou calquera outro documento acreditativo da identidade da persoa solicitante
<input type="checkbox"/>	No caso de que a persoa interesada sexa un menor de idade:
<input type="checkbox"/>	Copia compulsada lo libro de familia
<input type="checkbox"/>	Copia compulsada de sentenza de nulidade, separación ou divorcio e do convenio regulador, de ser o caso
<input type="checkbox"/>	Copia compulsada da resolución administrativa ou xudicial que acredite a condición de ser o titor/a, acolledor/a do menor, de ser o caso; e copia compulsada do documento acreditativo da identidade da persoa titora ou acolledora.
<input type="checkbox"/>	Copia compulsada da sentenza xudicial acreditativa da patria potestade prorrogada ou incapacidade xudicial; e copia compulsada do documento acreditativo da identidade da persoa que ostente a condición de titora.
<input type="checkbox"/>	No caso que que a persoa interesada sexa maior de idade incapacitada xudicialmente:
<input type="checkbox"/>	Copia compulsada da sentenza xudicial acreditativa da incapacidade xudicial e copia compulsada do documento acreditativo da identidade da persoa que ostente a condición de titora.
<input type="checkbox"/>	Dúas fotografías tamaño carné da persoa titular da tarxeta
<input type="checkbox"/>	Certificado de empadramento. O certificado será solicitado á oficina xeral do Concello por parte do persoal municipal que tramite a solicitude.

<input type="checkbox"/>	Certificado de discapacidade ou informe do Equipo de Valoración e Orientación (EVO).
--------------------------	--

**ANEXO III  
SOLICITUDE DA TARXETA DE ESTACIONAMENTO DE VEHÍCULOS  
PARA PERSOAS XURÍDICAS**

Os datos facilitados por vostede neste formulario pasarán a formar parte dos ficheiros automatizados do Concello de Ames, e poderán ser utilizados polo titular do ficheiro para o exercicio das funcións propias no ámbito das súas competencias. Lei Orgánica 15/1999, de protección de datos de carácter persoal. Vostede poderá exercer os dereitos de acceso, rectificación ou oposición mediante instancia presentada ante o rexistro xeral de entrada do Concello de Ames.

REXISTRO DE ENTRADA  
(a cubrir pola  
administración)

**Expediente número**  
(a cubrir pola administración)

<b>SOLICITANTE</b>	<b>Nome e apelidos:</b>	<b>DNI/NIE:</b>	<b>Teléfono:</b>
	<b>Enderezo:</b>	<b>Localidade:</b>	<b>Código postal:</b>

<b>PERSOA XURÍDICA</b>	<b>Identificación da empresa:</b>	<b>CIF:</b>	<b>Teléfono:</b>
	<b>Enderezo:</b>	<b>Localidade:</b>	<b>Código postal:</b>

**FEITOS RAZOADOS:**

Considero que reúno tódolos requisitos establecidos na normativa vixente a efectos de ser titular da tarxeta de estacionamento de vehículos, habilitado para transportar as persoas con graves problemas de mobilidade.

**SOLICITO:**

Que se me conceda a **tarxeta de estacionamento de vehículos para persoas discapacitadas con mobilidade reducida** de acordo co disposto na normativa vixente.

**DECLARACIÓN:**

Declaro baixo a miña responsabilidade que son certos os datos consignados na presente solicitude. Son coñecedor/a de que a ocultación ou falsidade dos datos facilitados implicará o impedimento da tramitación da solicitude.

Ames, \_\_\_\_ de \_\_\_\_\_ de 20\_\_.

Asdo.:

**DOCUMENTACIÓN QUE SE ACHEGA XUNTO COA SOLICITUDE:**

<input type="checkbox"/>	Documento do vehículo ou vehículos habilitados para o transporte de persoas con graves problemas de mobilidade para os que solicita a tarxeta.
<input type="checkbox"/>	Escritura da constitución da sociedade e estatutos da empresa.
<input type="checkbox"/>	Documentación acreditativa da identidade da persoa que actúa como representante legal.

**ANEXO IV  
INFORME DE VALORACIÓN**

**Expediente número**

**Vista a solicitude de:**

- ☐ Tarxeta de estacionamento de vehículos para persoas discapacitadas con mobilidade reducida  
☐ Tarxeta de accesibilidade para persoas con discapacidade

**Presentada por:**

**Normativa aplicable:**

- Ordenanza municipal reguladora da expedición das tarxetas de estacionamento de vehículos para persoas discapacitadas con mobilidade reducida e das tarxetas de accesibilidade para persoas discapacitadas.
- Decreto 35/2000, de 28 de xaneiro, que aproba o regulamento de desenvolvemento e execución da Lei 8/1997, de 20 de agosto de accesibilidade e supresión de barreiras na Comunidade Autónoma de Galicia.
- Lei 8/1997, de 20 de agosto de accesibilidade e supresión de barreiras na Comunidade Autónoma de Galicia.

**Procede informar:**

- ☐ Que, atendendo aos datos que obran no expediente de solicitude e á normativa de aplicación, a persoa solicitante reúne tódolos requisitos necesarios para ser titular da tarxeta solicitada.
- ☐ Que, atendendo aos datos que obran no expediente de solicitude e á normativa de aplicación, a persoa solicitante non reúne tódolos requisitos necesarios para ser titular da tarxeta solicitada.

**Proposta:**

- ☐ CONCESIÓN da tarxeta solicitada.
- ☐ DENEGACIÓN da tarxeta solicitada.

Motivos da denegación:

Ames, \_\_\_\_ de \_\_\_\_ de 20\_\_.

Asdo: Dilixencia do persoal municipal que realiza a valoración.

Visto e praxe do/a Concelleiro/a:

Nome e a apelidos: \_\_\_\_\_

Posto que ocupa: \_\_\_\_\_

Concellaría de \_\_\_\_\_

#### ANEXO V RESOLUCIÓN

Expediente número

Vista a solicitude de:

- ☐ Tarxeta de estacionamento de vehículos para persoas discapacitadas con mobilidade reducida  
☐ Tarxeta de accesibilidade para persoas con discapacidade

Presentada por:

E visto o informe de valoración emitido polo persoal municipal no que se propón a:

- ☐ CONCESIÓN da tarxeta solicitada.  
☐ DENEGACIÓN da tarxeta solicitada.

Resolvo:

- ☐ CONCEDER a tarxeta solicitada.  
☐ DENEGAR a tarxeta solicitada.

Motivos da denegación:

Ames, \_\_\_\_ de \_\_\_\_ de 20\_\_.

Asdo.:

O Alcalde-presidente do Concello de Ames.

#### ANEXO VI XUSTIFICANTE DE ENTREGA

Expediente número

En data de \_\_\_\_\_ RECIBO a tarxeta que se sinala:

- ☐ Tarxeta de estacionamento de vehículos para persoas discapacitadas con mobilidade reducida.  
☐ Tarxeta de accesibilidade para persoas con discapacidade.

E **DECLARO** que **fun informado/a** dos dereitos, obrigas e condicións de uso contemplados nos artigos 7 e seguintes da ordenanza reguladora, do que se me achega unha copia.

Asdo.: \_\_\_\_\_

Persoas titulares da tarxeta de estacionamento de vehículos	Persoas titulares da tarxeta de accesibilidade
<p>a) Estacionar o vehículo por máis tempo do autorizado, con carácter xeral, nas zonas en que dito tempo se atope limitado.</p> <p>b) Autorización para que os vehículos ocupados polas persoas que presenten graves problemas de mobilidade poidan deterse na vía pública</p>	<p>a) Reserva de praza nos transportes colectivos.</p> <p>b) Bonificación nas tarifas para as persoas que dispoñan da tarxeta.</p>

durante o tempo imprescindible e sempre que non entorpezan a circulación rodada ou peonil.	c) Reserva de prazas nos centros de servizo do transporte público.
c) Utilización das prazas de aparcadoiro reservadas para tal efecto no ámbito da Comunidade Autónoma de Galicia.	
<b>Obrigas (artigo 8 da ordenanza reguladora)</b>	
<p>1. As persoas titulares da tarxeta deberán de comunicar ao Concello, no prazo de 15 días, calquera variación das circunstancias que motivaron a súa concesión, a contar desde o coñecemento da variación das circunstancias alegadas.</p> <p>2. No caso de perda, roubo ou destrución, a persoa titular da tarxeta deberá comunicalo na maior brevidade posible ao Concello, non podendo facer uso dos dereitos recoñecidos ata a expedición dunha nova tarxeta.</p> <p>3. O uso indebido da tarxeta dará lugar a súa retirada, sen prexuízo das responsabilidades que puideran derivar.</p>	
<b>Condicións de uso (artigo 9 da ordenanza reguladora)</b>	
1. As tarxetas expedidas polo ente municipal son de carácter persoal e intransferible.	
<p>2. As tarxetas de estacionamento de vehículos cuxo titular sexa unha persoa física só poderán utilizarse cando a persoa titular viaxe no vehículo de que se trate, sexa ou non da súa propiedade, ben como condutor/a ou como ocupante.</p> <p>3. As tarxetas de estacionamento de vehículos cuxo titular sexa unha persoa xurídica só poderán utilizarse nos vehículos para os que foi concedida, e sempre que nese momento se atopen prestando o servizo de transporte de persoas con mobilidade reducida.</p> <p>4. A tarxeta de estacionamento de vehículos colocarse na parte inferior do parabrisas dianteiro do vehículo de forma que o seu anverso resulte claramente visible dende o exterior.</p>	
<b>Infraccións e sancións. Procedemento sancionador. (artigo 10 da ordenanza reguladora)</b>	
<p>1. No suposto de que se detecte o uso indebido da tarxeta de maneira reiterada e debidamente probada, o órgano competente retirará a citada tarxeta durante un prazo de 2 anos, debendo a persoa interesada instar o procedemento para a súa expedición unha vez transcorrido o citado prazo.</p> <p>2. As infraccións da presente ordenanza serán sancionadas de acordo coa normativa vixente sobre o procedemento sancionador.</p>	

## **Punto Oitavo.- Revisión ordinaria do contrato de limpeza viaria e xestión do punto limpo. Ano 2012.**

O señor alcalde don **Santiago V. Amor Barreiro** informa substancialmente do asunto indicando que o pasado 9 de marzo tivo entrada no rexistro xeral do concello un escrito da empresa actual concesionaria do servizo, Urbaser, solicitando o incremento do canon de explotación para o ano 2012, indicando que o expediente foi informado favorablemente polos servizos económicos e xurídicos do concello. Conclúe dicindo que se trata da revisión ordinaria anual contemplada no contrato asinado no seu día.

Non se producen intervencións dos grupos municipais.

Rematadas as intervencións o pleno da corporación por unanimidade dos membros presentes, adopta os seguintes acordos:

**Primeiro.-** Prestar aprobación a revisión ordinaria de prezos, anualidade 2012, do contrato de limpeza viaria e xestión do punto limpo subscrito coa empresa Urbaser, S.A, sendo o coeficiente de actualización de 1,1764 de conformidade coa fórmula sinalada no artigo 13 do prego de cláusulas administrativas que rexe o contrato, o que implica que o novo prezo do contrato pase a ser de 648.487,79 euros, con efectos retroactivos desde o 1 de xaneiro de 2012.

**Segundo.-** Autorizar e dispoñer o gasto derivado da revisión ordinaria 2012 con cargo á partida 163227.00 do vixente orzamento municipal.

**Terceiro.-** Notificar ao contratista Urbaser S.A o presente acordo.

**Cuarto.-** Facultar ao alcalde don Santiago V. Amor Barreiro para cantas actuacións de trámite sexan precisas para a mellor execución do acordado.

**Punto Noveno.- Deixar sen efecto o acordo plenario de 25 de setembro de 2008 de posta a disposición de dúas parcelas no Sector S-16 Galdrachán, para a construción de vivendas de promoción pública.**

O señor alcalde don **Santiago V. Amor Barreiro** cede a palabra ao concelleiro delegado de Persoal, Reforma Administrativa, Servizos e Urbanismo don **Ramón García Argibay**, o cal substancialmente informa que dende outubro de 2008 en que o concello de Ames puxo a disposición estas dúas parcelas para a construción de vivendas de promoción pública non houbo ningunha actuación e tras a consulta oportuna á Consellería de Medioambiente, Territorio e Infraestruturas da Xunta de Galicia, esta informou que non estaba prevista ningunha actuación, polo que parece o mais conveniente poder dispoñer destas dúas parcelas para outros equipamentos.

(.....)

Rematadas as intervencións o pleno da corporación por unanimidade dos membros presentes adopta os seguintes acordos:

**Primeiro.-** Deixar sen efecto o acordo plenario de 25 de setembro de 2008 de posta a disposición de dúas parcelas (parcela AR/EL P4 e parcela AR/EL P5), de titularidade municipal, no Sector S-16 Galdrachán, para a construción de vivendas de promoción pública.

**Segundo.-** Notificar este acordo á Consellería de Medioambiente, Territorio e Infraestruturas da Xunta de Galicia aos efectos oportunos.

**C) PARA CONTROL DO GOBERNO:**

**Punto Décimo.- Rogos e Preguntas**

**Rogos.**

Intervén o concelleiro don **Xosé Anxo Doval Rey** para formular o seguinte rogo:

**Primeiro rogo.-** Nós no pasado pleno si nos ausentamos por mor da folga, e tamén pola falta de tempo para estudar a tan importante documentación relativa á aprobación do Plan de Axuste 2012-2022, en cumprimento do Real Decreto-Lei 4/2012 de 24 de febreiro de 2012. A ese respecto nós presentamos unha moción que queríamos que se debatera no día de hoxe e non foi incluída na orde do día, agardamos que no futuro non volva ocorrer. Rogo que se presenten dunha vez por todas os orzamentos e a liquidación, porque xa estamos moi fóra de prazo e veremos as repercusións de non presentar a liquidación en prazo, como en anos anteriores tivo manifestado o actual alcalde. No tocante aos orzamentos o consideramos aínda mais grave por dúas razóns, a primeira porque vai ser a vez en que mais tarde se presentou o orzamento dos últimos nove anos, e ademais, con menor razón, dado que é a primeira vez en nove anos en que hai goberno con maioría absoluta. Estamos vendo na valoración da situación orzamentaria trimestral que se fai, que loxicamente hai partidas que se gastan sen respaldo, precisamente por non ter ese orzamento.

Pregunto o porqué, porque realmente nos últimos meses entendíamos que era algo que se estaba elaborando porque a situación económica era complicada e houbo que esperar á actuación dos orzamentos estatais, pero diso xa hai mais dun mes. En

palabras do mesmo alcalde os orzamentos xa estaban preparados e á espera da actuación do Estado, e é pouco entendible que leve mais dun mes rematalos.

Toma a palabra o señor alcalde don **Santiago V. Amor Barreiro** para dicir: Como vostede saberá a través dos medios de comunicación os orzamentos do Estado aprobáronse no pleno do Congreso do día de onte, e dése conta de que houbo cuestións extraordinarias, como foi o Plan de Axuste, e sacar a relación de facturas a provedores que tiña pendentes de pago o concello, e aínda se nos está pedindo que haxa unha confirmación fidedigna de que os provedores queren acollerse a ese sistema. Se os orzamentos do Estado van ter impacto nas arcas municipais e noutras administracións debemos de ser o suficientemente cautelosos, e ate saber a ciencia certa como van quedar non presentar uns orzamentos para despois modificalos. Aquí aprobamos, co apoio do seu grupo, no seu momento, o cambio do sistema de pago e a través da progresividade dos programas de conciliación. Se presentaron as solicitudes, que se están valorando, e ese dato de saber como vai afectar ás arcas municipais esa progresividade vai ser algo moi importante que imos ter que poñer de manifesto no orzamento. Todo parece indicar que podemos esperar dez ou quince días para presentar o orzamento. Outra particularidade é que este grupo de goberno chegou a este concello cun orzamento prorrogado, nunha situación de todos coñecida de non haber rendido contas no seu momento, e con todos os problemas que iso orixinaba. Este goberno dixo que ía traer uns orzamentos para este ano que presentaremos o vindeiro mes de maio, e non é intención nosa presentar orzamentos só nos anos pares como viña ocorrendo ate o de agora neste concello. A nosa intención é poder facer un orzamento real ano a ano. Iso é co que traballamos.

Intervén a concelleira dona **Susana Mallo Redondo** para formular os seguintes rogos:

**Segundo rogo.-** Un rogo que ten que ver con cuestións de comunicación e co recente cambio na instalación telefónica do concello. Con estes cambios melloramos moito en canto a acceso directo aos servizos, porque existen mais liñas directas e polo tanto se reduce a posibilidade de ter que pasar pola centraliña. Non sei se vostedes o fan moito, supoño que non, pero os veciños que teñen que pasar pola centraliña saben o fácil que é colapsala, o difícil que é que se colla un teléfono, e agora temos a posibilidade de acceder a moitos servizos marcando directamente o número ¿cal é o problema? que os veciños non coñecen os números, polo tanto rogo que se publicite na páxina Web municipal.

**Terceiro rogo.-** Este rogo é en relación aos servizos complementarios. Estamos, como dicía o alcalde, en momentos complexos, nun ano realmente difícil, e as cuestións económicas mais pequenas son sensibles a todos. Este ano mais que nunca nós facemos este rogo para que haxa sensibilidade con respecto á valoración dos aspectos económicos das familias para establecer as taxas dos servizos complementarios. Como ben saben vostedes a estas alturas cando se solicitaron as prazas ou a renovación houbo que entregar os datos económicos de 2010, era inevitable porque son os datos fiscais que están declarados, pero sabemos todos que a realidade económica de moitísimas familias de Ames entre 2010 e 2011 cambiou como do día á noite. A flexibilidade que nalgúns servizos xa existe para, a posteriori, cando se presente a declaración do 2011, poder modificar os datos, é a que reclamamos que se faga en todos os servizos, para que na medida do posible aqueles que modificaron a súa situación económica poidan pagar conforme a datos do ano 2011, que, desgraciadamente e en moitos casos, serán bastante peores.

**Cuarto rogo.-** Este outro rogo ten que ver coa limpeza das instalacións deportivas. Xa non é a primeira vez que falamos disto neste pleno e conforme pasa o tempo aumentan os locais e as queixas. Segue sendo moi deficitaria a limpeza do local social de Biduído. Os veciños que o utilizan contabilizaron unha limpeza ao día seguinte da miña anterior queixa no pleno e outra hai non poucos días. Cando

despois falamos do campo de fútbol do Milladoiro, que non me estrañaría que se non é pechalo por outras cousas sexa pechado por unha cuestión de hixiene, aumentan os problemas . A iso sumámoslle cuestións circunstanciais como o feito de ter de baixa a unha persoa no pavillón do Milladoiro e non suplila ninguén para a limpeza. Se as baixas non se cobren pola razón que sexa, cando menos que nese pavillón haxa un mínimo de limpeza. E xa ven que lles conto tres na área do Milladoiro: Biduido, campo de fútbol e pavillón polideportivo. Coido que é un problema mais xeral que puntual, circunstancial, de que falte unha persoa. Creo que nesta área, señor concelleiro, hai que empezar a tomar medidas para xestionar doutro xeito, ou para xestionar dalgunha forma.

**Quinto rogo.-** Un rogo relativo a cuestións que teñen que ver coa concellaría de Obras. No recinto escolar do colexio Val da Maía, por causa de que caen as follas das árbores créanse fochas que son moi perigosas porque ademais de quedar rodeado de auga se esbara. Rogamos que se fagan revisións para retirar esas follas e evitar males maiores para os rapaces.

**Sexto rogo.-** E por último e en relación á revisión de fochas que temos que facer en todos os plenos, é inevitable, pídlle un recordatorio para A Travesía do Porto nos seus dous extremos, tanto no de entrada dende A Madalena como diante do colexio. Creo que hai que tomar medidas importantes para A Travesía do Porto que non pasan por un pouco de grava. Digo o mesmo para os buratos que, probablemente pola alta densidade de tráfico que ten, hai na baixada do Polígono cara Santiago de Compostela, xusto onde se xuntan as beirarrúas hai fochas dun nivel considerable.

Intervén a concelleira dona **Pilar Candocia Pita** para formular os seguintes rogos:

**Sétimo rogo.-** O meu rogo non é propiamente un rogo, pero é o formato que está establecido neste pleno para poder falar. Diríxome ao ex-concelleiro de cultura para non perder o costume de dirixirle case mensualmente algún rogo. Nesta ocasión é para desexarlle que se recupere, porque por motivos de saúde abandona o traballo na concellaría, non a acta de concelleiro. Sabemos que se un está mal de saúde, cando se encarga dunha área sobre todo como cultura ou educación, que son áreas potentes neste concello, todas o son, pero esas especialmente, se dificulta a vida diaria. Os mellores desexos para que te recuperes, e como ves hoxe non tocou nada mais que desexarte boas cousas. Como sempre dicimos as críticas sempre son en todo caso á xestión e para deixar clara a nosa diferenza política, nunca son críticas persoais. Que te recuperes pronto.

Toma a palabra o concelleiro do grupo municipal popular don **Alfonso Rey López** para dicir: Xa sei que non necesitas moitas explicacións, que tamén sabes moi ben o que tes que facer.

**Oitavo rogo.-** Me dirixo ás persoas que teñen a delegación das áreas que levaba o concelleiro Alfonso Rey en forma de rogo, porque son áreas que sempre, pero neste momento son de máximo traballo, tanto no caso de cultura como de educación, tamén en patrimonio, pero especialmente en cultura e educación. Temos por diante todo o problema de prazas escolares, e o rogo é que o concelleiro que se vai facer cargo comece tendo unha reunión coas ANPAS, cos grupos municipais e coa cidadanía en xeral sobre a cuestión pendente do consello escolar. A verdade é que nós tiñamos pendente pedir que se crease unha mesa de educación, pero como

estaba pendente que se ía crear o consello escolar o deixamos estar, pero agora as datas se botan enriba. Rogamos ao concelleiro que comece convocando para facer un estado da cuestión, de como está a situación neste momento e programar o traballo. Outro tanto dirixido a cultura, desexándovos o mellor, pero tocaravos a vós agora como lle tocaban a Alfonso antes os nosos requirimentos. Estaremos pendentes, como sempre, para defender aquelas cousas nas que cremos e como se deben de facer, e o primeiro que imos facer é, como pedimos neste concello a todas as áreas, é que te reúnas, Eugenia, en todo caso, coas asociacións culturais, porque houbo moitos problemas co reparto das subvencións e sería bo que para este ano non se volva repetir esa situación e se comece con diálogo, o que para nós é fundamental.

**Noveno rogo.-** Dirixido ao alcalde. Neste pleno falamos nunha ocasión de que a asociación de taxis estaba reclamando que se puxese o taxímetro, e outras cuestións como que se fixese un regulamento. En prensa vimos que estes días hai pouco o alcalde falaba do tema dicindo que estaba preparado mais ou menos conforme á lei para cando se aprobara. Pedimos que se faga un regulamento para que os taxis podan levar publicidade, só se trata de que o concello estableza como se pode regular iso, canto ten que medir, como ten que ser. Non é nada complicado, e nestes momentos en que o sector dos taxis, como todos os autónomos, tamén o están pasando mal, é outro xeito de axudarlles para que teñan outra entrada económica. Rogamos que se faga unha proposta neste senso, nós presentaremos unha proposta para que se axilice canto antes e se só ten que ir por Xunta de Goberno Local se faga enseguida e se ten que pasar por pleno que veña ao pleno de maio. Creemos que é algo de xustiza, que axuda a que un sector que traballa no concello de Ames poda facelo en mellores condicións.

Intervén o voceiro do grupo municipal socialista don **José Manuel Miñones Conde** para formular o seguinte rogo:

**Décimo rogo.-** En primeiro lugar quero facer extensión do que acaba de dicir Pilar, agradecer o traballo prestado durante todos estes meses ao concelleiro Alfonso Rey, llo dicimos de corazón, e no caso dos outros concelleiros e como xa sabe o alcalde, dende o primeiro día estamos abertos ao diálogo e aquí tedes a este grupo para traballar polo concello, polo tanto canto queirades de nós, aí estaremos.

O rogo vai na liña dos teléfonos, en particular dos terminais, non sei se é posible, imaxino que si, quitarlles o buzón de voz, porque salta, e xa recibimos queixa de varias persoas. Se é posible que se quite, polo custe que ten.

Intervén o concelleiro de Persoal, Reforma Administrativa, Servizos e Urbanismo don **Ramón García Argibay** para dicir: No tema da telefonía a implantación de voz rematou hai uns días, de feito hoxe aínda fixemos dúas migracións que quedaran pendentes. Tivemos unha pequena incidencia, unha inundación sen danos, e dentro dunha semana mais ou menos se concretará. O do buzón e os servizos que están activados por defecto xa está comunicado para que se retiren.

En canto ao rogo referente ao directorio, acabamos de implantalo, nós definimos unha serie de cuestións, o da centraliña para falar con urbanismo xa está funcionando, no Milladoiro se vai poñer unha liña para falar con servizos sociais e outra con servizos xerais.

Intervén a concelleira dona **Susana Mallo Redondo** para dicir: Se me permite, aquí as opcións son moi escasas, por exemplo, non podes falar con servizos complementarios, seino por propia experiencia, falta moito aínda.

Continúa o señor **García Argibay**: Como estamos en fase de encaixe o faremos así. O que non consideramos oportuno é publicitar todos os números de todos os departamentos e o que imos facer é ver cómo vai encaixando e en función diso



habilitaremos, evidentemente unha das cuestións que faremos sobre a marcha é ir identificando segundo a demanda das persoas e as funcionalidades que ten a centralíña, que son bastantes.

En canto ao tema da declaración da renda, evidentemente os datos eran os do ano 2010, hai que poñer un límite, neste momento estamos aínda facendo a declaración do 2011, é o de sempre, como se fixo toda a vida.

Intervén a concelleira dona **Pilar Candocia Pita** para dicir: Pero se podía, se cambiaba a situación, cambiar o que se pagaba ¿se pode seguir facendo?

Continúa o señor **García Argibay**: Si, iso non cambiou nada, igual que as bonificacións, segue exactamente igual que o modelo anterior, pero a declaración da renda faise cando se fai.

Neste momento do desenvolvemento da sesión o señor alcalde don **Santiago V. Amor Barreiro** cede a palabra, a petición súa, ao concelleiro do grupo municipal popular don **Alfonso Rey López**, que di: Quero agradecer os recoñecementos ao meu labor e dicirvos que se algo non puiden facer pido desculpas. A miña idea foi traballar co obxectivo de que o que eu puidese facer fose sen etiquetas, e creo que iso se logrou.

Intervén o concelleiro do grupo municipal socialista don **José Pazos Balsa** para formular o seguinte rogo:

**Undécimo rogo.-** Un rogo sobre o campo de festas de Ameixenda. Se cortaron unhas mimosas e se retiraron os troncos gordos e as ramas grandes, pero quedaron xunto ao aparcadoiro do lado do muro da parte de fóra e mais no campo da festa. Este día había un enterro, e co aire que facía estaba o aparcadoiro cheo de coches e molestaban as ramas, que levan alí mais dun mes. Rogo se limpe.

Intervén a concelleira do grupo municipal socialista dona **Carmen Fraga Crespo** para formular os seguintes rogos:

**Décimo segundo rogo.-** Antes de nada quero dar as grazas ao concelleiro de Vías e Obras polo arranxo finalmente da carretera de Augapesada a Pontemaceira, que quedou bastante ben, só que queda o problema das cunetas, porque quedaron tramos sen abrir, o sea que abriron a carretera e taparon as cunetas. O meu rogo é para que se abran esas cunetas e que a auga poda fluír, porque se non se vai estropear a carretera novamente.

Toma a palabra o concelleiro delegado de Vías, Obras, Parques, Xardíns e Patrimonio don **Alfredo Taboada Alvelo** para contestar: Xa estamos tomando medidas para elo, xa se comunicou á empresa.

**Décimo terceiro rogo.-** Referente ao rebacheo no Milladoiro, outro rogo para vostede.

Toma a palabra o concelleiro delegado de Vías, Obras, Parques, Xardíns e Patrimonio don **Alfredo Taboada Alvelo** para contestar: Mentras chove non se pode. Se ven un día bo, ao mellor nunha mañá ou tarde que veña xeitosa xa se fai.

Continúa dona **Carmen Fraga**: Tamén quero facer unha observación referente ao aparcadoiro próximo ao Supercor, que leva feito menos de seis meses e ten varios

bachos e parece que non ten a inclinación debida para o sumidoiro.

Contesta o señor **Taboada Avelo**: Tamén está pendente, no momento en que se poida se fará, pero mentres choiva é imposible.

Remata dona **Carmen Fraga**: É que non me parece normal que en tan pouco tempo dende que se fixo estea así.

Intervén a concelleira do grupo municipal socialista dona **Isabel González Cancela** para formular o seguinte rogo:

**Décimo cuarto rogo.-** Foron varias persoas as que me comentaron, dúas en concreto xa hai bastante tempo e deixeiño pasar porque as cousas ás veces as tes que coller non como chas contan. É con respecto á atención ao público, agora todo o mundo, e eu non quero dicir que estea en contra, temos o mostrador, pero hai algunhas ocasións -teño que dicir que eu non o vin- en que habendo cola, hai persoas concretas que se meten pola parte de atrás para as oficinas. Pode haber dous meses que mo comentaron e deixeiño pasar, pero agora varias persoas distintas mo volveron comentar. Pido que se as condicións son para todos que todos pasemos polo mesmo sitio. Repito que eu non o vin.

Toma a palabra o señor alcalde don **Santiago V. Amor Barreiro** para contestar: Tomamos nota e veremos a ver se se deron esas circunstanciais.

Intervén a concelleira do grupo municipal socialista dona **Patricia Conde Lois** para formular o seguinte rogo:

**Décimo quinto rogo.-** Agradezo que se inclúa despois de pedir os rogos, porque ía ser unha pregunta, acerca do presuposto. En vista de que xa foi contestada polo señor alcalde que sería para este mes que ven, rogo que se nos pase o borrador do presuposto coa máxima antelación posible para que os grupos da oposición poidamos analízalo.

Intervén o concelleiro do grupo municipal socialista don **José Francisco Doval Galán** para formular os seguintes rogos:

**Décimo sexto rogo.-** Son dous rogos que reitero dende plenos pasados. En primeiro lugar lle recordo ao señor Taboada, agora que tamén é concelleiro de Patrimonio e xa lle afecta mais, que a sinalización en Trasmonte, no Camiño de Santiago que vai a Muxía, volvo a insistir en que está mal colocada e falta sinalización; tampouco lle estou pedindo un esforzo extraordinario nin que requira unha dedicación enorme. O Camiño de Santiago é un dos bens mais importantes, mais patrimoniais que temos no concello, e rogo dunha vez se corrixa a sinalización e estea acorde co resto, ou cando menos coa maioría do concello, aínda que non iría mal tamén botarlle un ollo á sinalización porque hai sitios onde está mal colocada, pero penso que o lugar onde ten mais significado é no Camiño de Santiago. Agora que é concelleiro de Patrimonio poderase poñer de acordo consigo mesmo para arranxar o tema.

**Décimo sétimo rogo.-** O outro rogo é para o señor Ferreiro, co que xa hai algún tempo en que quedamos que nos ía pasar como quedaban as escolas deportivas, a distribución, os lugares, horarios e demais. Lle rogaría que por favor nolo fixera chegar.

### **Preguntas.**

Intervén o concelleiro don **Xosé Anxo Doval Rey** para formular as seguintes preguntas:

**Primeira pregunta.-** Teño varias preguntas con temas xa recorrentes pola miña parte. En relación aos contratos que se asinaron cos clubs deportivos Bertamiráns, Milladoiro e Bruxas para, entre outras cousas, a xestión das escolas deportivas, é un tema pendente xa dende agosto e agora comprendemos por que se tardou tanto, a

resolución que se deu a este tema, na nosa opinión pouco afortunada por dicilo suavemente ¿como é que se asina un contrato por valor de mais de 18.000 euros sen ningún tipo de concurso? Porque concorrência hai que usala na Unión europea. Aquí algunha vez se me te aducido, por parte do concelleiro de deportes, que aquí non hai capacidade por parte de ningún outro clube para levar as escolas deportivas, por suposto completamente en desacordo, pero aínda sendo así poderíamos recorrer a pedir outros orzamentos a calquera clube, entidade, etc., da Unión Europea. Claro que se pode dicir que non é só para as escolas deportivas, pero entón que digan cal é para escolas deportivas e cal non, en todo caso o monto total do contrato é por valor de mais de 18.000 euros. ¿Por que se optou por esa figura? porque realmente había outras moitas alternativas.

**Segunda pregunta.-** En relación tamén con isto, se asina un contrato que vai dende o mes de marzo ate o mes de setembro por valores distintos, pero ademais se lles pide que renuncien á subvención do ano 2011 ¿que ten que ver a subvención do 2011 con asinar un contrato no ano 2012? porque se dixéramos se recibe demasiado, pero se recibe moito menos do que recibiron anos atrás. Había partidas suficientes para darlles o que lles correspondían, para min polo menos é incomprendible, porque ademais entre marzo e setembro do 2012, como non nos din cal é cada parte das cuestións que figuran no contrato nos saería á hora de escola deportiva a case 80 euros, xa sei que non é así. que o que se pretende é unha parte para as escolas deportivas, por outra parte pagar equipos de referencia, pero hai outras maneiras de resolver e non esa, porque esa, entre outras cousas, evita que unha parte entre en competencia con outros clubes o que ao meu entender é discriminatorio, non entro a favor dun ou doutro, pero é discriminatorio tratar de xeito distinto ao que é igual. Volvo repetir que hai outra maneira de resolvelo, que entren nas subvencións igual que o resto dos clubes e o tema de fomentar clubes de referencia no concello se pode resolver pola vía dos convenios.

**Terceira pregunta.-** Nos decretos recentes deste mes xa se libra a parte ao Bertamiráns co valor dunha parte importante dese contrato, o decreto creo que é do mes de abril, e resulta que os outros dous clubes non figuran, e o que é peor, os restantes clubes e asociacións culturais que xa xustificaron desde o 29 de febreiro non recibiron nada ¿por que a un clube si, que xustifica mais tarde, porque o contrato que se asinou con eles é posterior ao 29 de febreiro, e ás restantes asociacións, clubes deportivos e demais, non? É incomprendible. Despois non queren que falemos de trato discriminatorio.

**Cuarta pregunta.-** O anterior afecta ao tema económico relacionado co ámbito deportivo, e no estritamente deportivo hai anos que se dicía que os campos de fútbol que eran parroquiais pero xa hai tempo que quedou claro que todos os campos de fútbol teñen os mesmos dereitos, por exemplo a que lles corten a herba, a que lles paguen o gasoil ¿que pasa, que os do Bertamiráns e Milladoiro e Ortoño pagan o gasoil no campo de fútbol?

Toma a palabra o señor alcalde don **Santiago V. Amor Barreiro** para contestar: Respecto dos contratos administrativos revisarei a gravación da acta e se non lle contestei lle contestaremos por escrito. Non sei que problema hai cos contratos administrativos porque están informados favorablemente polos departamentos económicos e pola secretaría do concello, en fin, teñen validez legal a todos os

efectos. Se vostede quere revisalos ou ten algunha dúbida pode acceder aos expedientes que conforman os contratos administrativos que se redactaron para estes casos concretos. No tocante á xustificación das subvencións deportivas, eu creo que tampouco imos moi alá no tempo, a previsión deste goberno é levar a aprobación das xustificacións das subvencións á vindeira Xunta de Goberno Local que terá lugar o xoves da semana seguinte. Se hai algunha cuestión mais que non lle contestei o farei por escrito.

Intervén a concelleira dona **Susana Mallo Redondo** para formular as seguintes preguntas:

**Quinta pregunta.-** Xa que corren bos tempos para os pagamentos, a miña primeira pregunta é ¿cando se convocarán dunha vez as axudas para material escolar para as familias que tiveron que adiantar os cartos en setembro de 2011? estamos en abril e xa me parece que en calquera momento chega tarde, estarán aburridos de oírme pero non por iso vou deixar de insistir. Neste curso que está case rematando non se convocaron axudas destinadas a familias que o necesitan porque non poden pagar o material e de novo tiveron que adiantalo. É algo que coñecen porque no seu momento tamén criticaron, pero estar na oposición debe ser divertidísimo, gobernar non lles debe de gustar tanto.

**Sexta pregunta.-** Outra pregunta sobre educación, xa que temos concelleiro novo que se ten que poñer as pilas. Gostaríanos ter contestación do concello e non dos medios de comunicación, que teñen días optimistas, eu non sei se pola información que vostedes lles transmiten ou porque van ás obras a ver as escavadoras, pero quixéramos saber a situación actual das obras do instituto de Milladoiro e a súa previsión de apertura. Queremos tamén saber a situación administrativa actual dos terreos en que se prevé construír o CEIP de Milladoiro e cal é a situación en que están as negociacións para conseguir ese centro. Se un se deixa levar polas cousas que vostedes filtran ao Correo Gallego estaría encantada pero gustaríame unha información rigorosa, que veña, con datos, e se ven con documentos moitísimo mellor. Tamén nos gustaría coñecer as cifras de solicitude de prazas nos centros educativos de Ames para facernos unha situación xeral de todos os centros.

**Sétima pregunta.-** Con respecto ao Centro de Saúde do Milladoiro unha pregunta similar; é urxente dende tempo, e queremos saber ¿se está facendo algún tipo de xestión política, administrativa, algún tipo de negociación? e gustaríamos, de novo, que sexa unha información do goberno e non de prensa partidista.

**Oitava pregunta.-** Outra pregunta para o señor Moar, neste caso como concelleiro de Comercio. Nos gustaría saber ¿a que se debeu que non houbese mercado de artesanía na festa das tapas, tal e como se anunciou?

**Novena pregunta.-** Para o concelleiro de Vías e Obras ¿cal é o plan para A Travesía do Porto? Creo que é a segunda ou terceira vez que se menciona que hai un plan, pois queremos coñecelo.

**Décima pregunta.-** Por último a miña pregunta, que non sei se terá contestación, ten que ver cos campamentos de verán de Ames, que creo que son de Medioambiente, pero se son de Educación ou Mocidade, diríxome a quen corresponda contestalo. Teño aquí un cadro comparativo das tarifas que se pagaron o ano pasado e as que se van pagar este ano. Para os rapaces de primeiro e segundo de infantil a suba é de 40 a 45 euros, pero cando pasamos os primeiros cursos de primaria, o primeiro ciclo, pasan de 70 a 90 euros, un 28% de suba. Terceiro e cuarto de primaria sofren un 27% de suba, de 100 a 127 euros, e esquecín dicir que no caso dos que van pagar un 28% mais ademais non se lles inclúen transporte ao campamento.

Intervén a concelleira delegada de Medioambiente, Sanidade e Cultura **Mª Eugenia Martín Vicente** para dicir: Nos de Negreira non.

Continúa a señora **Mallo**: Os de infantil non teñen transporte, e os de primaria que van a Negreira tampouco, os que van de Negreira non teñen transporte e pagan un 28% mais. Quinto e sexto de primaria de 145 a 170 euros, un 17%.

Para os rapaces da ESO pasa de 200 euros 10 días a 280, e de 300 euros 7 días, é dicir unha redución de días e un aumento dun 40 e un 50%. A nós parécenos escandaloso, ademais pola portiña de atrás ...como este é un tema menor, ao fin e ao cabo son vacacións... poñémonos como se hai que poñer en todos estes abusos que se están cometendo en aras de non sei que argumento, que é a miña pregunta. O argumento non pode ser económico, non pode ser que agora os campamentos custan mais, porque hai un abano inmenso de empresas e granxas que poden dar prezos moi variados, e a importancia desta actividade non está en levalos exactamente á Toxa, a Barreiros, a Kirico ou a Portaventura, a importancia está en dar unha alternativa de ocio, unha alternativa para o verán tamén para as familias, porque consiste niso, e incluso unha alternativa para familias con menos recursos, porque as persoas con mais recursos probablemente teñan outras alternativas para pasar o verán, ao mellor alugan unha casa na praia, ao mellor viaxan... son as persoas que teñan menos recursos quenes mandan os seus fillos a estes campamentos, e nada mais. E as tarifas baixas nisto iguala, iguala o dereito ao lecer dos nenos e permite ás familias darlles iso, que eu creo que tamén en tempos de crise é moi importante poderlles dar esta actividade. Eu non entendo a razón, non creo que sexa económica, non creo que non haxa outras posibilidades e me gustaría que me explicaran por que esta barrabasada.

Intervén a concelleira delegada de Medioambiente, Sanidade e Cultura **Mª Eugenia Martín Vicente** para contestar: En cuanto a los de infantil y los de primaria la subida está alrededor de un 20 %, es la media que ha habido en los campamentos de la Xunta de Galicia, la disyuntiva era o suprimir plazas o subir y optamos por subir un poco el precio. En cuanto a que hay otras opciones estaría encantada de haberlas encontrado, porque desde luego no hemos podido llamar a más puertas, no hemos podido regatear más y no hemos podido darle más vueltas hasta ajustarlo y conseguir tener el mismo número de plazas y subir únicamente una media del 20%. Eso en cuanto a los de infantil y primaria, que preferimos mantener el número de plazas y subir para seguir manteniendo el servicio y el coste para el concello es practicamente nulo.

Pregunta a señora **Mallo**: ¿Para o concello nulo?

Contesta a señora **Martín**: Para las arcas del concello practicamente nulo. No crea déficit.

Intervén o concelleiro de Persoal, Reforma Administrativa, Servizos e Urbanismo don **Ramón García Argibay** para dicir: Antes de nada unha precisión en canto ao CEIP do Milladoiro que creo que é importante: nós non filtramos á prensa, nós mandamos notas de prensa e comunicamos aos cidadáns de Ames as nosas intencións e sobre o que estamos traballando. Se vostede quere información ao respecto non ten mais que pedila e lla damos, por escrito, no pleno ou vindo a xunto de min calquera día, que estou todos os días aquí, e ensinamos perfectamente os tramites que estamos a facer. En calquera caso non son filtracións, son notas de prensa.

O CEIP do Milladoiro a verdade é que vai moi ben, o que son os terreos para poñer a

disposición da Consellería, porque o CEIP hai que facelo nalgún sitio, nós estamos traballando para que eses terreos estean a disposición eses trámites administrativos están en exposición pública e o primeiro que fixemos foi falar cos veciños, e todos os veciños manifestaron o seu acordo, excepto unha persoa que estaba dubidando, o resto está dacordo coa proposta que lles fixemos porque é unha proposta moi boa, que consiste nin mais nin menos nunha permuta de metro cadrado a metro cadrado o que lle correspondería en edificación no caso de que esa finca fora edificable que non é, e neste caso é o 0,44, total. A unha persoa que ten 1.000 metros cadrados lle corresponderían noutro ámbito, neste caso en Galdrachán que é onde fixemos a oferta, de 440 metros. Por iso dicimos metro cadrado-metro cadrado, pero do que lle correspondería no seu terreo se se puidera facer alí algún tipo de edificación. A oferta non lle vai custar ao concello -entre comillas- nada en canto a liquidez, as parcelas teñen un valor, é complicado darlle un valor a cada parcela, hoxe facer unha taxación é complicado porque xa sabemos como está o mercado, segundo sexa o taxador dálle un valor ou outro, segundo sexa un banco ou unha oficina de taxación varían moitísimo. Nós o que fixemos foi, precisamente para non ter un proceso de expropiación, que ralentizaría todo moitísimo mais, foi chegar a un acordo con eles. Estamos preparando xa a documentación para dar unha carpetiña con todo luxo de detalles a cada propietario dicindo que parcela ten e onde se lle vai dar a permuta, evidentemente aínda non están firmadas, insisto, estamos en período de exposición e estamos con todos os trámites administrativos e, insisto, excepto unha persoa, todos están en moi boa disposición e cremos que non vai haber ningún problema en canto ao tema da firma da permuta. Outra cousa distinta é cando o CEIP, cando acabemos de dar o pasiño de conseguir os terreos, porque non hai que olvidar que en 10 anos non se fixo nin unha soa modificación do Plan Xeral, e nós, en 10 meses, levamos tres iniciadas, documentadas, non é fume, están os expedientes en proceso, están en exposición pública, e poñemos a disposición de calquera concelleiro ou concelleira a documentación sen problema ningún. Á parte, ampliamos a zona onde vai previsiblemente o CEIP ate 20.000 metros cadrados, polo tanto, como xa comentamos aquí nunha ocasión, a proposta de dona Pilar que dixera cando se faga ese paso de empezar a pensar no CEIP procurade que sexa ambicioso... pois non é nada ficticio, os expedientes se poden ver, se poden consultar en calquera momento.

E co Centro de Saúde do Milladoiro pasa tres cuartas partes do mesmo. Se nós tiveramos o terreo no seu momento, xa fai nonseicántos anos, porque xa perdín a conta, hoxe teríamos o tema resolto; ¿facelo ónde? nunha nube, no aire non se fai. Todo o mundo sabe o que pasou co S-15, que veu un xuíz que o botou abaixo, se volveu a iniciar ese proceso e volveu a ser anulado por defectos de forma, e agora estamos en espera outra vez de que se presente o proxecto e se leve a cabo, pero como este goberno ten previsións e traballa, non cita cifras senón que as facilita en notas de prensa a todos os medios de comunicación, este goberno tamén iniciou outra modificación puntual do Plan Xeral que afecta basicamente ao S-16 e ao S-14, Galdrachán e á Travesía do Porto Norte, e consiste nunha reordenación de terreo que estaba disperso, zonas verdes estaban unha aquí e outra alá, e o que imos facer é conxuntalas en dúas zonas verdes amplas, unha de 4.000 metros cadrados e outra en torno aos 15.000. Insisto, o expediente está aberto e non é fume, e ademais conseguimos unha parcela que supere os 20.000 metros cadrados. É unha parcela que vai permitir ubicar alí practicamente calquera tipo de dotación, se fora necesario o Centro de Saúde. Se tiveramos sorte e a planificación do S-15 fora para diante, como xa temos tamén alí unha parcela que está en torno aos 2.000 metros cadrados, estupendo, e teríamos a parcela de 8.200. Iso é o que estamos facendo, e para facer tanto o Centro de Saúde como o Colexio o primeiro que fai falla é ter solo. Iso nós o estamos facendo, e o estamos facendo ademais sen custe para o concello. No caso das permutas ate que os propietarios firman non podemos afirmar que o solo está conseguido pero as actuacións están feitas e insisto en que se poden consultar. E se

nalgún momento fallaran teríamos que utilizar os argumentos xurídicos que están ao noso alcance.

Intervén o concelleiro delegado de Comercio, Promoción Económica, Traballo, Turismo e Educación don **Bernardo Moar Míguez** para dicir: Agradezo ao señor Miñones a súa vontade, probablemente a semana que ven teremos que reunirnos para falar de temas educativos. Vou aproveitar para responder a pregunta da señora Mallo. En canto ao rogo que facía dona Pilar Candocia, me poño as pilas, xa mas puxen antes de ser concelleiro de Educación, nin por asomo pensar que ía selo, pero é certo que a educación neste concello sempre me preocupou bastante. Tamén é certo que antes do prazo de solicitude de prazas estiven chamando aos centros para ver como ía o tema, porque despois dos problemas que tivemos o ano pasado evidentemente me preocupaba e bastante, aínda que non era un tema que levara directamente. Por sorte este ano non temos os problemas doutros anos, dou cifras de memoria: de 100 prazas que temos en Ventín hai 74 solicitudes, no colexio infantil de Travesía do Porto de 100 prazas hai 74 solicitudes, en Agro do Muíño de 50 prazas dispoñibles hai 44 solicitudes, en Barouta de 25 temos 22 solicitudes. O único dato negativo que temos esta ano é A Maía, onde temos 75 prazas e 85 solicitudes. Estando cruzando datos aínda, todos sabemos que ás veces facemos solicitudes en dous ou tres centros, cando haxa cifras oficiais se verá que vai pasar que pasa con estes dez cativos que nos quedan fóra en A Maía. Como dicía me poño as pilas e estou traballando, incluso antes de ser concelleiro de educación xa me estaba preocupando polo número de prazas, e creo que sempre me preocupe bastante pola Educación.

En canto á pregunta de por que non houbo mercado de artesanía, houbo un micromercado, tres postos, foi algo totalmente voluntario, algo influíu a climatoloxía e tamén posiblemente que noutro concello no que por sorte non estaba tan mal tempo había unha feira moi importante. De todos os que en principio concertamos que viñeran viñeron só tres, pero non foi que non se quixera facer ou non estivera previsto, simplemente que non se deron as condicións favorables.

En canto á pregunta do IES, aínda estiven esta tarde alí vendo as obras e a verdade é que están avanzando a moi bo ritmo, nos dez minutos en que fun ao entrenamiento me acheguei como todos os martes e xoves evidentemente non van como deberían, de todos os xeitos o prazo que ten a empresa para finalizar as obras se non recordo mal é o 20 de xullo.

Toma a palabra o señor alcalde don **Santiago V. Amor Barreiro** para dicir: Eran 16 meses dende o inicio da obra. Todos sabemos e así o puxen de manifesto nunha entrevista, que o IES non ía estar para o inicio do curso escolar, é a realidade, non imos dicir o contrario, non podemos dicir cando vai estar rematado e co equipamento, porque unha cousa é rematar e outra cousa é equipalo. Hai datas que me veñen á memoria de informes educativos de Ames do ano 2006, incluso me acordo dun ano no que se fixo unha foto cunha conselleira de Educación, figura nun borrador para construír o IES que debe ser do ano 2005, tentaremos concretar a data coa consellería de Educación.

Intervén a concelleira delegada de Asociacionismo, Igualdade, Muller e Xuventude dona **María González Gómez** para dicir: En resposta a dona Susana Mallo no que a min me ataíña dos campamentos, supoño que estivo comparando os datos dos



campamentos que sacamos este ano cos datos do ano pasado, e non sei se nese cotexo se deu conta de que o ano pasado só se fixo un e era de dez días. Este ano dividímolos polas idades, entendíamnos que de 10 a 18 era bastante diferenza de idade, entón este ano o dividimos e mirándoo como faría vostede non é de dez días a sete senón de dez días a catorce. Antes as prazas eran 40 e agora son 70, e o custe polo que se facía un campamento o ano pasado, este ano se fan dous. O motivo da subida dos prezos é tamén axustarnos a cumprir os obxectivos do plan de axuste que aprobamos no pleno anterior.

Intervén a concelleira dona **Susana Mallo Redondo** para dicir: Eu descoñezo se ao concello polo que lle custaba un campamento o ano pasado agora saca dous. Eu sei que a un rapaz de 17 anos o ano pasado valíalle 10 días 200 euros e este ano vállelle 7 días, non 14, 300 euros.

Continúa a señora **González**: Eu fállolle dos datos xerais, témonos que axustar ao Plan de Axuste.

Continúa a señora **Mallo**: Perdón, si recoñezo que non o dixeran, que é un acerto non repetir o de Cantabria, porque chocaba con Ventín, non tiña xeito repetilo porque xa hai un centro.

Intervén a concelleira dona **Pilar Candocia Pita** para formular as seguintes preguntas:

**Undécima pregunta.-** Dirixida ao señor **García Argibay** ¿en que situación está e como de avanzadas as conversas para o convenio de subvención de comedores escolares por parte da Xunta de Galicia, que tiñamos o compromiso asinado cando aprobamos as taxas de comedores? Agora xa tería que estar avanzando, para saber con que imos contar e con que non.

Intervén o concelleiro de Persoal, Reforma Administrativa, Servizos e Urbanismo don **Ramón García Argibay** para dicir: Estamos en contacto coa Consellería, lles mandamos a información que nos requiriron, esperaremos que nos contesten e empezaremos a barallar cifras, de momento non se pode falar de cantidades, pero a documentación xa se remitiu.

**Décimo terceira pregunta.-** A seguinte pregunta vai dirixida ao alcalde, porque é de seguridade. Aparece hoxe unha noticia nun xornal que fai referencia a que en centros hosteleiros de Ames, concretamente do Milladoiro, a garda civil e 4 efectivos da policía local facían rexistros no fin de semana que os hostaleiros consideran que son con fins recadatorios. Eu o que sei é pola prensa, se di que é por seguridade alimentaria e que a Consellería di que xa eles teñen os seus propios métodos para facer esas inspeccións, entón é para que nos dean algunha información ao respecto, por que aparece alí a policía local, se é con efecto recadador ou non, eu en principio non teño por que se mal pensada e prefiro esperar á información oficial. Decían que entraran once persoas armadas, e para unha cuestión de seguridade alimentaria me parece excesivo, non sei se é verdade ou non

Toma a palabra o señor alcalde don **Santiago V. Amor Barreiro** para dicir: Hoxe solicitei un informe á xefatura da policía. O que lle podo dicir é que as intervencións son en materia de hostalería, de control de horarios ou de control de que estean visibles os carteis obrigatorios de prohibido consumo menores o incluso bebidas alcohólicas ou venda de tabaco a menores, outras labores de control se están facendo en colaboración, e iso foi un compromiso que se obtivo na Xunta Local de Seguridade, que se traballe conxuntamente, xa se estaba facendo pero se está intensificando. Estou falando no caso de Ames. A prensa se pronunciaba mais sobre Teo, no caso de Ames o que lle podo cerciorar é que se están facendo revisións de locais de hostalería e que hai moitos que non están a cumprir a normativa vixente e as forzas de seguridade están levantando as correspondentes actas. Dona Pilar, eu dígolle que teño plena confianza na policía de Ames, na Garda Civil do Milladoiro, e lle



digo mais, se poderamos ter 11 efectivos e os dous corpos traballando todas as noites, sería todo un éxito.

**Décimo cuarta pregunta.-** Unha pregunta que ten que ver coas que fixo antes o meu compañeiro Anxo Doval. Figuran nos gastos do torneo de fútbol base que se celebrou esta semana, case 5.000 euros, parece que para poñer herba artificial no campo de fútbol de Bertamiráns, e preguntamos ¿ónde está esa herba? Está nun decreto do alcalde.

Intervén o concelleiro delegado de Deportes, Tempo Libre e Voluntariado don **Manuel Ferreiro Santiago** para dicir: É para a pista de pádel.

Intervén o concelleiro don **Anxo Doval Rey** para dicir: Señor alcalde, corrixa o seu decreto.

Continúa a señora **Candocia**: O decreto di que é para poñer no campo de fútbol de Bertamiráns, parece que é gasto para o torneo ese se pon no campo de Bertamiráns herba artificial. Preguntamos ¿onde se puxo? Porque non a vimos.

Continúa o señor **Ferreiro**: Eu creo que é polo tema de que ímolo pagar coas condicións da Deputación, e falei con José Antonio e igual o metemos aí no campo de fútbol.

Toma a palabra o señor alcalde don **Santiago V. Amor Barreiro** para dicir: ¿que número de decreto é? Revisaremos o decreto 688.

**Décimo quinta pregunta.-** Unha pregunta sobre comunicación ¿por que razón a páxina Web municipal cando fala dos diferentes actos que fan as asociacións fala da presenza do goberno municipal e non dos concelleiros e concelleiras da oposición, que tamén estamos alí? ¿por que non se recolle? Estou falando de cousas ás que fomos, ademais podería dicir cousas ás que non fun pero non se trata de explicar o porque. Vou a bastantes.

Toma a palabra o señor alcalde don **Santiago V. Amor Barreiro** para dicir: Non é intención deste goberno dicir que non estaba unha persoa nun acto cando estaba, é mais, procuramos que se están alí podan participar activamente, ese é o compromiso deste goberno e así llo teño dito aos concelleiros dende o primeiro momento en que accedimos ao goberno municipal, que os concelleiro presentes nos actos podan ter unha presenza, se pode ser, activa. O revisaremos.

Intervén a concelleira dona **Susana Mallo Redondo** para dicir: Señor alcalde, desculpe, hai unha pregunta que non me contestaron, que é ¿cando imos ter as axudas para material escolar ás familias?

Toma a palabra o señor alcalde don **Santiago V. Amor Barreiro** para dicir: Revisarémoslo.

Intervén o concelleiro do grupo municipal socialista don **José Francisco Doval Galán** para formular as seguintes preguntas:

**Décimo sexta pregunta.-** Dirixida ao señor concelleiro de deportes. En canto ás escolas deportivas hai unha serie de centros que están prestando as súas instalacións, que non son instalacións municipais, Ventín, Alca e non sei se algún mais, e pregunto ¿existe algún convenio ou acordo por escrito con estes centros? e

de ser así ¿sería posible coñecelo? Se é posible, fécenolo chegar.

**Décimo sétima pregunta.-** Dirixida ao señor Moar, para estrealo como novo concelleiro de educación. Para o mes de febreiro tiñan que ter entrado os regulamentos das escolas infantís, e se quedara, nunha xuntanza que se fixera, de facer chegar os regulamentos ás ANPAS. Non sei se se chegou xa a falar con elas ou non ou se se xa está concluído ou non este regulamento, se hai un para A Madalena e outro para O Bosque, se se unifican como se falou nalgún momento. Cando estean rematados ¿os van facer chegar á oposición? Queremos saber os motivos deste retraso.

Intervén o concelleiro delegado de Comercio, Promoción Económica, Traballo, turismo e Educación don **Bernardo Moar Míguez** para dicir: A semana pasada estiven reunido coa ANPA da Madalena e onte mesmo cun dos pais que representa ao Bosque, como non teñen ANPA, hai un número importante de pais que se interesaron. Se van a unificar os regulamentos, creo que o documento está practicamente rematado para traer ao próximo pleno e quizá para a semana que ven podamos presentalo.

**Décimo oitava pregunta.-** Xa que saíu o tema do IES, efectivamente, como vostede dicía na entrevista, para o vindeiro curso aínda está verde e as obras deberían de estar mais avanzadas. A pregunta é ¿houbo algunha xuntanza coa Xunta de Galicia para tratar este tema e ver se hai algún modo de axilizar as obras, ou incluso as dotacións que vai necesitar este instituto, para que os prazos se aceleren? porque o instituto é un dos dotamentos que mais necesita este concello e concretamente o núcleo do Milladoiro.

Toma a palabra o señor alcalde don **Santiago V. Amor Barreiro** para dicir: Pois si, tivemos xuntanzas. Non se publicitou todo, xa falamos antes das publicidades que se deron anos atrás. Estamos insistindo constantemente, nas conversas que temos na consellería de Educación, de intentar axilizar canto antes o remate das obras, se vostede pasa por alí poderá ver a previsión.

Pregunta o señor **Doval Galán**: ¿Pero para o 2012-2013 nada? Podería haber mais operarios.

Intervén o concelleiro do grupo municipal socialista don **José Pazos Balsa** para formular as seguintes preguntas:

**Décimo novena pregunta.-** Sobre as asociacións e comisións de festas non sei se se se pode saber cando se vai empezar a pagar as subvencións pendentes, hai moitas comisións que terminan, acaban o seu prazo, estamos casi no mes de maio, e están pendentes.

**Vixésima pregunta.-** ¿Cando saíran as convocatorias das novas subvencións?

Toma a palabra o señor alcalde don **Santiago V. Amor Barreiro** para dicir: ¿podería dicirme a que asociacións ou comisións se refire? E lle contestarei, porque aquí non teño a información.

Continúa o señor **Pazos Balsa**: Eu supoño que serán todas, non unha si e outras non. Hai algunha que está xustificada e non está pagada.

Intervén o concelleiro do grupo municipal socialista don **José Manuel Miñones Conde** para formular as seguintes preguntas:

**Vixésimo primeira pregunta.-** En referencia ao que se aprobou en Xunta de Goberno Local, sobre as parcelas das que ven de falar o señor García Argibay, me gustaría saber ¿xa en febreiro ou marzo de 2011 existía un informe técnico no que se falaba destas parcelas do S-14 e S-16 e a reubicación de zonas verdes e de dotación?.

Intervén o concelleiro de Persoal, Reforma Administrativa, Servizos e Urbanismo don

**Ramón García Argibay** para dicir: De memoria non me lembro agora.

Continúa o señor **Miñones Conde**: Porque do inicio de expediente ¿tampouco sabe a data?

Continúa o señor **García Argibay**: Facilitareillo, porque do colexio había un estudio e aí si que había un documento de inicio. Do outro non teño a data.

**Viséximo segunda pregunta.-** Xa que o céspede vai ser para a pista de padel, en relación á súa colocación ¿o prezo que aparece aí dos 4.700 euros a inclúe, e entendo que picarán no chan que está agora?

**Viséximo terceira pregunta.-** Unha pregunta que fixen hai dous meses sobre a radio fusión e quedaron de contestarme, non sei se xa saben por que se quitou a radio fusión e se se vai volver a conectar a radio municipal coa radiodifusión?

Toma a palabra o señor alcalde don **Santiago V. Amor Barreiro** para dicir: Contestarémolle proximamente, porque pedimos unha aclaración.

**Viséximo cuarta pregunta.-** Varias preguntas que fan referencia ao decreto 721, no que aparecen unha serie de facturas; a número 12, co nº 287, por importe de 1.500 euros por anuncios publicitarios no xornal de Ames Diario ¿corresponde só ao mes de xaneiro ou tamén a meses anteriores? ¿desa cobertura oficial cales son os eventos que foron contratados a este diario? ¿por que se contrata a cobertura de eventos a un profesional externo tendo un servizo profesional interno como é a radio municipal?

Toma a palabra o señor alcalde don **Santiago V. Amor Barreiro** para dicir: Contestarémolle por escrito.

Intervén a concelleira do grupo municipal socialista dona **Patricia Conde Lois** para formular as seguintes preguntas:

**Viséximo quinta pregunta.-** Unha pregunta que formulei xa no mes pasado ou no anterior, sobre o convenio que o concello ía asinar coas asociacións de comerciantes de Bertamiráns e de Milladoiro pola feira da mostra que se celebrou en Bertamiráns, a pregunta é ¿xa se firmou?

Intervén o concelleiro delegado de Comercio, Promoción Económica, Traballo, turismo e Educación don **Bernardo Moar Míguez** para dicir: A min me houbera gustado firmar o convenio antes da celebración da feira. A feira celebrouse o 9,10 e 11 de marzo, o pleno en febreiro, as comisións informativas foron o día 20, día da data de entrada no rexistro da solicitude, co cal non se puido facer no seu momento, non por culpa nosa, e estamos esperando á aprobación dos orzamentos e firmar unha subvención nominativa a touro pasado, xa que non se puido facer no seu momento.

E non habendo mais asuntos de que tratar o señor alcalde presidente dou por rematado o acto e levantou a sesión ás vinte e unha horas e cincuenta minutos do día 26 de abril de 2012, de todo o que eu como secretaria certifico.

Vº Prace

A secretaria

O alcalde

